

史記會注考證

司馬遷 著
[日] 龍川資富
會注考證



第十卷

北京大學出版社

史記會注考證



司馬遷 著
[日]泷川資言
會注考證

社 长： 马森彪
总 编 辑： 马森彪
责任编辑： 杨济东

史记会注考证

司马迁 著

[日] 泷川资言 会注考证

※

北岳文艺出版社出版发行(太原市解放路46号楼)

山西省新华书店经销 山西新华印刷厂印刷

※

开本:850×1168 1/32 印张:169.625 字数:3780千字

1999年1月第1版 1999年1月太原第1次印刷

印数:1—3000册

※

ISBN 7—5378—1597—6

I·1548 定价:300.00元

史記會注考證卷一百二十二

漢 太 史 令 司 馬 遷 撰

宋 中 郎 外 兵 曹 參 軍 裴 駢 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

酷吏列傳第六十二 史記一百二十二

考證 史公自序云：民倍本多巧，奸軌弄法，善人不能化，唯一切嚴削，爲能齊之。作酷吏列傳第六十二。王鳴盛曰：酷吏傳論稱十人，蓋邳都、甯成、周陽山、趙禹、張湯、義縱、王

溫舒尹齊滅宣杜周也而其敘首中又帶敘侯封燧錯二人共十二人雖錯雖刻深究以文學進子長不忍抑之與刀筆吏及攻剽爲羣盜椎埋爲姦者伍故只用帶敘侯封則於敘首中已明目之爲酷吏矣而不數於都傳中特提云是時民朴畏罪則固無所事於武帝之世侯高后時人故略而不數於都傳中特提云是時民朴畏罪則固無所事重法矣而都獨先嚴酷云云者深著都實首惡以爲世戒也次敘甯成周陽由皆從景帝入武帝者而又特提云武帝卽位吏治尙循謹其然由居二千石中最高爲暴酷末又結之云自成由後事益多民巧法大抵吏之治類成由等矣見酷吏多而吏治壞在武帝世也又次趙禹而言禹晚節更愈嚴而禹治反名爲平其用意如此後又詳述盜賊滋起官事耗廢皆由酷吏所致乃又云慘酷斯稱其位一似自相矛盾者紆其詞耳又曰十二人中得免禍良死者僅趙禹尹齊杜周三人而已棄市者五人自殺者三人髡鉗者一人陳仁錫曰敘酷吏十人錯綜聯絡如事成傳附郅都事張湯傳附趙禹事義縱傳附寧成事楊僕傳附溫舒事總成一篇文字奇絕愚按酷吏傳元是一篇各本每段提行故陳氏有是言今復史公之舊

孔子曰導之以政齊之以刑民免而無恥

【集解】孔安國曰免苟免也

導之

以德齊之以禮有恥且格

【集解】何晏曰格正也正義顏云論語載孔子之言也格至也言御以政刑則人思苟免不恥於

惡化以德禮則下知愧辱而至於治也

【論語】

論語爲政篇

老氏稱上德不德是以有德下德不

失德、是以無德。法令滋章，盜賊多有。

正義顏云：老子道德經之言也，上德體合自然，是以有德下德務

於修建，更以喪之也。法令繁滋，則巧詐益起，故多盜賊。

考證老子三十八章

太史公曰：信哉是言也。法令者

治之具，而非制治清濁之源也。昔天下之網嘗密矣。

正義昔天下之問

書密矣，案鹽鐵論云：秦法密於凝脂。

然姦僞萌起，其極也。上下相遁，至於不振。

正義顏云

遁，避也。言吏避於君，民避於吏，至乎喪敗不可振救。

考證賈誼過秦論：姦僞竝起，而上下相通。當是之時，吏治若救火揚

沸。

正義言本弊不除，則其末難止。正義言網密令峻，姦僞極生，至于君臣相通，若救猛火，及揚盛沸之湯，言難止也。

非武健嚴酷，惡

能勝其任而愉快乎。言道德者，溺其職矣。

正義顏云：溺，謂沈滯不舉也。言敗亂之時，武健嚴

酷，幾能薄快耳。若以道德治，則沒溺沈滯於政也。

考證漢書酷吏傳：愉作媮，媮通顏師古曰：媮，苟且也。

故曰：聽訟，吾猶人也。

必也使無訟乎。

正義顏云：論語載孔子之言也。言使我聽獄訟，猶凡人耳。然而立政行德，則使其絕於爭訟也。

考證論語顏淵篇

士聞道大笑之。

考證老子四十一章

非虛言也。

正義董份曰：前以孔子老氏發端，故又以聽訟二語，復明其說。此

太史公照應處，文字之易見者也。

漢興，破觚而爲圓，

漢書音義曰：觚，方也。應劭云：觚，八稜有隅者。高祖反秦之政，破觚爲圓。

謂除其嚴法約三章耳。中井積德曰：觚，謂其稜角，不泥其六八可也。

斲雕而爲朴，

應劭云：創瑤爲璞也。晉灼云：濁弊也。斲，理濁

弊之俗，使反質樸。考，謂刻鏤也。朴，無飾也。破觚二句，言反自然。

網漏於吞舟之魚。

法令疏

而吏治

烝烝不至於姦，黎民艾安。

烝，蒸謂純一。克諧以孝，烝烝乂，不格姦。顏師古曰：黎，庶也。艾，讀

曰艾，又治也。

由是觀之，在彼不在此。

道德不在嚴酷。

高后時，酷吏獨

有侯封。刻轢宗室，侵辱功臣。呂氏已敗，遂禽侯封之家。

顏師

古云：轢，謂陵踐也。音來的反。愚按：侯封未審其人，禽殺也。漢書作夷。孝景時，鼂錯以刻深，頗用術輔其資。

而七國之亂，發怒於錯。錯卒以被戮。

顏師古曰：資，材也。王慎中曰：錯非酷吏比也。特借言刻者之

不可爲耳。

其後有郅都、寧成之屬。郅都者，楊人也。

東萊：徐廣曰：屬河

書云：河東大陽人。正義：括地志云：故楊城，本秦時楊國，漢楊縣城也。今晉州洪洞縣也。至隋爲楊唐，初改爲洪洞，以故洪洞鎮爲名也。秦及漢皆屬河東郡。郅都墓在洪洞縣東。

南二十里。漢書云：郅都，河東大陽人，班固失之甚也。大陽，今陝州河北縣，是亦屬河東郡也。

以郎事孝文帝。孝景時，都

爲中郎將，敢直諫，面折大臣於朝。嘗從入上林，賈姬如廁，野

彘卒入廁。

案姬生趙王彭祖也。漢書無卒字，卒，猝也。

上目都，都不行。上欲自持兵

救賈姬，都伏上前曰：「亡一姬，復一姬進，天下所少，寧賈姬等

乎？」陛下縱自輕，柰宗廟太后何？上還。彘亦去。太后聞之，賜都

金百斤。由此重郅都。濟南閻氏宗人三百餘家，豪猾，二千石

莫能制。

漢書音義曰：閻，音閒，小兒癩病也。荀悅音閑，郅氏劉氏音竝同也。

於是景帝乃拜都爲

濟南太守。至則族滅閻氏首惡，餘皆股栗。

徐廣曰：髡鬻戰搖也。正義：栗，懼也。

漢書：族滅，作誅。何焯曰：僅誅首惡，法之正也。族滅，此都所以爲酷耳。錢大昕曰：據漢表，都自濟南太守遷中尉，在景帝前七年，而郡守更稱太守，乃在景帝中二年，則其時不得稱太守也。太字衍。漢書無太字。

居歲餘，郡中不拾遺。劾十餘郡守，畏都如大府。

考顏師古曰言猶如統屬之也。愚按下文云不可以居大府。

都爲人勇有氣力。公廉不發私書。問

遺無所受。請寄無所聽。常自稱曰。已倍親而仕。身固當奉職

死節官下。終不顧妻子矣。郅都遷爲中尉。丞相條侯至貴倨

也。而都揖丞相。

考倨倨揖。揖而已。不拜也。

是時民朴畏罪自重。而都

獨先嚴酷。致行法不避貴戚。列侯宗室見都側目而視。號曰

蒼鷹。

考致致猶極也。陳仁錫云太史公叙酷吏首郅都曰獨先嚴酷。次寧成則曰治

次楊僕則曰治放尹齊。次杜周則曰治與宣相放。曰治大放張湯曰酷甚於溫舒。節節血脉聯絡回顧。

臨江王徵詣中尉府對

簿。

考顏師古曰蒼鷹言其筆擊之甚。臨江王景帝太子榮廢王臨江。事詳五宗世家。顏師古曰簿者獄辭之文書也。

臨江王欲得刀

筆爲書謝上。而都禁吏不予。

考古者無紙筆。用刀削木爲筆。及簡牘而書之。

魏其侯使人以閒與臨江王。

考魏其侯竇嬰。顏師古曰閒與伺閒隙而私與也。

臨江王既

爲書謝上、因自殺。竇太后聞之、怒以危法中都。案如字、謂以法中傷之。

正以危忍之法中射於都令有罪也。顏師古曰：謂構成其罪也。

都免歸家。

公卿表：景帝前七年爲中尉、三年免。

孝

景帝乃使使持節拜都爲鴈門太守、而便道之官、得以便宜

從事。

言從家便往鴈門上官、不令至朝廷謝。書：持節作卽。顏師古曰：卽就家拜。李笠曰：此班馬別裁。

匈奴素聞郅都

節、居邊爲引兵去、竟郅都死、不近鴈門。

書居作舉。

匈奴至爲

偶人象郅都、

漢書：作偶人象、案寓卽偶也。謂刻木偶類人形也。一云：寄人形於木也。今本漢書作偶、寓偶古同聲通用。

令騎

馳射、莫能中。見憚如此。匈奴患之。竇太后乃竟中都、以漢法、

漢書：無竇太后竟四字。何焯曰：漢書去四字、似都爲匈奴所聞矣。沈欽韓曰：遷書在前、疑得其實。苟悅漢紀云：匈奴中以法太后以臨江王之死也。怨之、遂斬都。苟紀全據

班書抄撮、故爲潤飾。愚按史文自通、竟字承上文以危法中都、漢字對匈奴而言。

景帝曰：都、忠臣。欲釋之。竇太后

曰：臨江王獨非忠臣邪？於是遂斬郅都。寧成者、穰人也。

徐廣

曰：寧一作甯，穰屬南陽。

以郎謁者事景帝。好氣，爲人小吏，必陵其長吏，爲

人上，操下如束溼薪。

徐廣曰：一無此字，顧案韋昭曰：言急也。漢書亦無薪字，顏師古曰：溼物

則易

滑賊任威。

書滑作滑。

稍遷至濟南都尉。

百官表云：都尉，秦官，掌佐守典武職甲卒，秩

比二千石，有丞，秩皆六百石，景帝中二年，更名都尉，若周之司馬。

而郅都爲守，始前數都尉，皆步入府，

因吏謁守如縣令，其畏郅都如此。

音所注反。

及成往，直陵都

出其上，都素聞其聲，於是善遇，與結驩。久之，郅都死，後長安

左右宗室多暴犯法。

顏師古曰：長安左右京邑之中也。

於是上召寧成爲中尉。

百官表云：中尉，秦官，掌徼循京師，武帝太初元年，更名執金吾，顏云：金吾，鳥名也，主辟不祥，天子出行，職主先道以禦非常，故執此鳥之象，因以名官。

公卿表：景帝

中六

其治效郅都，其廉弗如。然宗室豪桀皆人人惴恐。

惴，之

瑞反，怖懼，皆人人，漢書作人皆。

武帝卽位，徙爲內史。

武帝當作今上，下同。

外戚多毀

成之短、抵罪髡鉗。是時九卿罪死即死。少被刑。而成極刑。自以爲不復收。

賈誼之言養臣下有節是後大臣有罪皆自殺至武帝時稍復入獄

自事成始。周壽昌曰。刑極即謂被髡鉗也。於是解脫詐刻傳出關歸家。

淳曰。不復收。以被重刑。將不復見收用也。於是解脫詐刻傳出關歸家。

上音紀買反。下音他活反。謂脫鉗也。

稱曰。仕不至二千石。賈不至千

萬。安可比人乎。乃貰貸。

上音食夜反。貰。賂也。又音勢。下音天得反。

買陂田千餘頃。

假貧民。役使數千家。

假貧民。言假借貧民。力營而分其利也。

數年會赦。致產數千

金。爲任俠。持吏長短。出從數十騎。其使民威重於郡守。

寧成

後事在義縱條下。御覽使作役。

周陽由者。其父趙兼。以淮南王舅父侯周陽。故

因姓周陽氏。

縣東二十九里。

徐廣曰。侯五年。孝文六年。國除。周陽故城。在絳州聞。

兼之姊。父字衍。錢大昭曰。由。嘉定人。見淮南王傳。

由以宗家任爲郎。

案與國家有外戚姻屬。比於宗室。故曰宗家也。

積德曰由是周陽之支子用周陽侯之保任爲官也周陽卽失侯其家未必絕矣

事孝文及景帝。景帝時由爲郡

守。武帝卽位吏治尙循謹甚。然由居二千石中。最爲暴酷驕

恣。所愛者撓法活之。所憎者曲法誅滅之。

考證漢書撓作撓

所居郡必

夷其豪。爲守視都尉如令。爲都尉必陵太守。奪之治。與汲黯

俱爲伎。

集解漢書音義曰堅伎也考證漢書無與字俱字伎害也很也

司馬安之文惡。

集解漢書音義曰以文

法傷害人考證漢書汲黯傳云黯姑姊子司馬安文深巧善宦

俱在二千石列。同車未嘗敢均茵伏。

集解徐廣曰漢書作馮伏者軾案均等也茵車蓐也伏車軾也言二人與由同載一車尙不敢與之均茵軾也謂下之也漢書伏作憑也考證言周由驕恣而獨畏汲

黯司馬安同車常下之也茵車中所藉也伏字或作軾以皮覆軾在前人所馮者故又曰馮

由後爲河東都尉時與其

守勝屠公爭權。相告言罪。勝屠公當抵罪。義不受刑。自殺。而

由弃市。

案隱風俗通云勝屠卽申屠

自寧成。周陽由之後。事益多。民巧法。大

抵吏之治、類多成、由等矣。趙禹者、釐人、

集解

徐廣曰、屬扶風、音台、

正義 音胎、放、藥城在雍武功縣西南、二十二里、古郿國、后稷所封、漢藥縣也、

以佐史補中都官、

案謂京師諸官府吏、正義

若京都府史、

用廉爲令史、事太尉亞夫、亞夫爲丞相、禹爲丞相史、

府中皆稱其廉平。然亞夫弗任曰、極知禹無害、

蘇林云、言若無比也、蓋云其

公平也、考論無害、文無害、能通曉法令、無所凝滯也、解詳蕭相國世家、

然文深、不可以居大府、

音義曰、禹持

文法深刻、

今上時、禹以刀筆吏積勞、稍遷爲御史。上以爲能、至太

中大夫、與張湯論定諸律令、

徐廣曰、論一作編、

作見知吏傳得相監

司、

正義

謂見罪、知有罪、皆須舉之、

考論

漢書傳下無得字、是也、見知、吏傳相監司、

皆律令之名、史記平準書云、張湯爲廷尉、見知之法生、而廢格沮誹窮治之獄用矣、
漢書刑法志云、孝武招進張湯、趙禹之屬、條定法令、作見知、故縱監臨部主之法、鹽鐵論刺復篇云、愒急之臣進、而見知廢格之法起、卽是事也、見知一事、吏見知其罪不舉也、
秦始皇三十四年紀云、吏不舉者與同罪、此法秦時有之、吏傳相監司一事、傳讀爲轉、司讀爲伺、何焯曰、謂互相監察也、沈欽韓曰、謂所部屬吏有罪、坐其長上也、愚按、屬吏有罪、司讀

上坐之長上有罪屬吏坐之

用法益刻蓋自此始張湯者杜人也

集解

徐廣曰爾時未爲

陵考證漢書張湯傳杜下有陵字故徐廣云爾

其父爲長安丞出湯爲兒守舍還而鼠盜

肉其父怒笞湯

考證藝文類聚引史還字在父下文順

湯掘窟得盜鼠及餘肉劾鼠

掠治傳爰書訊鞠論報

集解

蘇林曰謂傳囚也爰易也以此書易其辭處

受其罪訊考三日復問之知與前辭同不也鞠一吏爲讀狀論其報行也索隱韋昭云爰換也古者重刑嫌有愛惡故移換獄書使他官考實之故曰傳爰書也

說張晏云傳考證驗也是一說顏師古云傳謂傳逮若今之追逮赴對也一說錢大昕云傳當作傳音附謂附於爰書也張文虎云錢說是傳者附比之義猶今比某律以定

罪也是一說劉奉世云傳者傳囚辭也是一說劉說近是爰書自證不如此言反受其罪訊考三日復問之是一說韋昭云爰換也古者重刑嫌有愛憎故移換獄書使他官考實

之故曰傳爰書也是一說劉奉世云爰書者趙高作爰歷教學隸書時獄吏書體蓋用此故從俗呼爲爰書也是一說蘇林云爰易也以此書易其辭顏師古云爰換也以文書換

其口辭也是亦一說蘇顏近是王先謙曰傳爰書者傳囚辭而著之文書也蓋此數者皆見之文辭劾一也爰書二也論報三也三事具而獄成矣掠治乃有爰書訊鞠然後論上

故下文言父視其文辭也中井積德曰說文報當罪人也論報是一事

并取鼠與肉具獄磔堂下

考證

鄧展曰罪備具

考證具獄，猶言具成案。其父見之，視其文辭，如老獄吏。大驚，遂使書獄。

集解如淳曰：決獄之書，謂律令也。**考證**使書獄辭，練習其事也。父死後，湯爲長安吏，久之。周陽侯始

爲諸卿時，**集解**徐廣曰：田勝也。武帝母王太后之同母弟也。武帝始立而封爲周陽侯。**正義**按周陽前封趙兼，國除今封田勝也。**考證**王啓原曰：田勝

爲卿，百官表闕。蓋在景帝後元之末，嘗繫長安。湯傾身爲之。**集解**韋昭曰：爲之先後，

及出爲侯，大與湯交，徧見湯貴人。湯給事內史，爲寧成掾。以

湯爲無害，言大府調爲茂陵尉，治方中。**集解**漢書音義曰：方中，陵

曰：天子卽位，像作陵，諱之，故言方中。如淳曰：大府，幕府也。茂陵尉，主作陵之尉也。韋昭曰：太府，公府。**正義**服虔曰：藏壙中長皆有丞尉，中用地一頃餘。又冢墓記云：築成城，然後

錯石帶白沙及炭。**考證**調，選也。茂陵，武帝壽陵。漢天子卽位，一年而爲陵。顏師古曰：大府，丞相府也。中井，積德曰：指丞相御史之等。又曰：方陵穴也。陵穴，蓋鑿地正方，故謂穴爲

方耳。治方中，監穴中營作也。愚按正義有訛脫。武安侯爲丞相，徵湯爲史。時薦言之。天子

補御史，使案事。**考證**武安侯田份，周陽侯之兄。建武六年，爲丞相。漢書張湯傳：御史作侍御史。治陳皇后蠱獄。

深竟黨與。

考證 漢書武紀元光五年皇后陳氏廢捕爲巫蠱者皆梟首漢傳蠱上有巫字

於是上以爲能稍遷

至太中大夫與趙禹共定諸律令務在深文拘守職之吏。

集解 蘇林曰拘刻於守職之吏考證 王闡運曰言以文法律令拘守職之吏使不得出入李楨曰按刑法志湯禹條定律令作見知故縱監臨部主之法緩深故之罪急縱出之誅所以深文拘吏者如此

已而趙禹遷爲中尉徙爲少府而張湯爲廷尉。

兩人交驩而兄事禹禹爲人廉倨爲吏以來舍毋食客公卿

相造請禹禹終不報謝務在絕知友賓客之請孤立行一意

而已見文法輒取亦不覆案求官屬陰罪。

考證 方苞曰言見獄辭與文法應輒取之而不覆

按其事以求官屬陰惡也

湯爲人多詐舞智以御之。

集解 韋昭曰制御人

始爲小吏乾

沒。

集解 徐廣曰

隨勢沈浮也顧案服虔曰射成敗也如淳曰得利爲乾失利爲沒如淳曰得利爲乾失利爲沒正義此二說非也按乾沒謂無潤及之而取

他人也又云陽浮慕爲乾心內不合爲沒也考證 顧炎武曰乾沒大抵是微幸取利之意洪頤煊曰乾沒即幹末二字之借言所幹末務即所謂逐什一之利也晉書潘岳傳其